

皇國名醫傳



下

大政官文庫		
和	一	一六三九
書	二	一六三九
門	三	一六三九
	冊	函

內閣文庫		
和	一	一六三九
書	二	一六三九
類	三	一六三九
	冊	函

内閣文庫	
番號	和 11639
冊數	3 (3)
函號	157 388





皇國名醫傳卷下

信濃 淺田惟常著

望月二英

望月乘字君產通稱三英號鹿門幕府醫官元椿之族高

祖宗慶通稱忠庵始仕神祖父震字百里號雷山善啞科仕


大垣侯及元椿死無子以乘為嗣繼職為番醫享保中

進侍醫叙法眼乘最精治瘡百不失一旗下士病瘡發

從四末爪紫黑面痿黃間日作止寒熱更劇頭背及腰

皆痛四支麻痺大渴時怒髮瞋目為捕物狀初疾夢一

皇國名醫傳卷下 一 勿吳藥一室



嫗瘳惡倏自外入欲抓髮去拔刀擊之媪飛上牆時有老醫在傍曰是鬼也不可令去起捕之俄覺次夜二婢夢為鬼嫗所殺後七日偕斃于疫於是舉家大懼日尋禱祀而無驗遂請乘乘始入室病者見而大罵既訖曰是鬼瘳而已再過二發可截乃以大承氣湯下之然後作家方鬼哭散露宿及早服之而差一老人因暑行過取涼發瘳醫治紛更最後投以末藥俄心中懊惱腰腹疼痛雷鳴下血吐沫悶亂用解毒藥差安瘳遂日作左脇癥瘕奔騰絕食兩日懼請診乘曰是寒瘳也左脉不應是癥瘕為母也右脉應弦數今却沈微是脾胃為邪

所傷也吐沫下血是以熱攻熱也夫疾不及始發驅之病形已就而欲逆治之宜其為變也乃與柴胡姜桂湯兼用鼈甲丸二日瘳已旬餘復常一小女冬月跌踢傷額夜間發熱搐搦譫語如魘夢狀向曉漸醒爾後五日輒發及歲抄發期漸迫巫醫雜治無驗或以為瘳於是託之乘脉沈微而弱面白唇青腹脹便鞭乘使其父問發時狀女曰有蛇數條繚繞衣襟睡則欲穿耳目而入乘曰是蟲也非瘳方跌仆驚惕動蟲爾吾能治之然時已晚矣少瘳之至二月二日與雷公丸二十粒以砂糖湯兩次服之下蟲長五寸七枚乃不復發父問投藥差

時乘曰諸蟲頭向下唯五日以前向上故及月朏以前治之是古法也父大悅乘嘗治荻生茂卿疾茂卿謂之曰方今都下以醫名者指不遑屈然其實可託死生者則寡有吾得子為幸乘曰明代多醫人先生以為足託死生者誰也茂卿曰薛立齋乘大笑曰先生以立齋為可則可託死生者方今亦不乏其人世以吉益為則與乘並稱為天下二名手乘聞之不悅謂人曰頃者有一草醫開口稱周漢東考其術特出張子和之餘流屢暴自用試人刀匕病而死若人之手不若轉于溝壑之愈也及為則以事來江戶執政佐倉侯命與乘對論醫事

其邸為則以操守異術徒論無益辭侯乃欲分配病者以較其治不果乘時醫道糜爛世唯知有溫補依樣趨故無用心於術者其於書無論漢晉乃唐宋諸方少能究之乘深慨之著醫官玄稿表章古經方痛辯運氣之妄務排古方不治今病之說以提醒庸俗然其言古方與京醫古方不同蓋乘學得諸博覽故融會經方泥其要妙不為一切偏執之論識者尤異焉初乘嗜學無厭嘗歎曰使吾獲海內所有之方書徧讀之豈不大快哉德廟聞之命校祕庫方書又使即舶載方書縱取所欲隨而賜之於是貫穿群籍終以浩博著雖其天資絕

人亦遭遇明主育材之機故得能成其志云
鹿門著醫官玄稿外有醫門多疾三世方明醫小史
又玄餘草焚餘小集等

原芸庵 原尚庵

原善材父永貞通稱芸庵姬路人長徙京師受經宇都
宮三近伊藤維楨學醫半井瑞堅通仙院時世醫讀傷寒
論者絕少永貞首崇奉之治一法張氏為人剛介不苟
合意所不可面折不置是以雖學富術精而聞達甚晚
年過五十名始著于世善材亦稱芸庵再徙江戸性開
豁好大言無所顧忌初家甚貧不能自存或勸之納交

權貴善材掉頭曰醫經本草吾所嘗學諂諛之言吾未
之學何見相待之薄也一侯欲聘醫謀之善材善材曰
術窮玄妙足稱國手而性放縱嗜酒善罵如此者何如
侯問誰曰臣是也侯大笑有病傷寒者請診會諸醫議
方一醫主小柴胡湯一醫主大柴胡湯善材曰大小柴
胡齊不中用當與中柴胡湯二醫哂而問其方善材曰
是非庸醫所知所謂中柴胡者作大柴胡湯一煎而去
滓再煎而服之者也二醫大慚一婦有疾善材視之謂
其夫曰汝宜先自服藥夫恠問故善材曰婦疾得之慾
事不遂吾料汝陽道必痿弱夫即服室女病鬱證善材



曰是氣滯也治方宜戲場散父母不解其意善材曰未也丑也且也淨也合劑投之是誠對證良藥女聞之微笑善材指女曰戲場散之效一語既如此况於亟用之乎世謂善材善治傷寒目為傷寒科然極其學術非必有深詣特其機警敏疾出人意表故得盛名於一時耳

甥原瑜

瑜字公瑤通稱尚庵號雙桂平安人受經於伊藤長胤長胤稱為後進領袖瑜母永貞女故瑜依善材於江戸學其術既歸以醫為業唐津侯土井氏聘醫於京師瑜應招而起山脇尚德止之曰以子才學遭遇良主必有所為

醫小技耳以是事人在他人則可於子不可予甚為子惜之瑜曰如子所言世有幾人吾安得待之且業已受聘義不可辭遂徙唐津閱十八年復往京師見尚德尚德執其手嘆曰平平庸器皆列貴顯而使名士如子者屏處僻遠以小伎終豈非命哉侯轉封古河瑜從徙更為儒官亡幾卒

尚庵著有傷寒私斷桂館野乘雙桂集等

大田見良

大田見良字資齋伊豫人仕大洲侯家京師嘗與諸醫共至豪商宅診其家人會商過其前諸醫皆拜商傲然

不與為禮見良惡之不復至豪富家侯女出嫁命為其
媵直言不納謝疾而去復歸京師與宇野鼎僧獨湛賣
茶翁輩交厭棄世事足不踰閩然乞治者日月不絕見
良用藥物必換上品初不問其價嘗曰知藥貴賤則作
劑之際必生鄙吝矣

鳥海玄達

鳥海玄達江戶人延享中以醫仕庄内侯有一伶患頭
寒常不能脫巾數醫殫技畧無影響乃託玄達玄達診
畢曰病易與耳聞汝讀書知醫必疑我方則不可為矣
伶辭弗敢玄達曰吾今與汝以桂枝湯汝服之日五貼

四五日一浴浴後以冷水灌頂伶曰藥味平淡而吾疾
在膏肓恐難成效且頭冷不堪况洒水乎玄達叱而去
之曰訂言在前汝何相欺之甚也伶畏服請罪玄達重
取藥一合告曰汝灌水必昏憤當須人保護無懼嚙之
即蘇行其法月餘皆如所言疾全愈伶來謝且問其故
曰頭諸陽之會其寒由陽氣不足故以桂枝湯助陽氣
又冷水激盪其寒則陽氣自發舒假藥力上騰故知疾
可治也

内藤泉庵

内藤希哲字師道通稱泉庵信濃松本人少學醫於同

鄉清水某術就出試于江戶有患熱因極者眾醫視其手足厥冷方皆主附子希哲獨不可曰仲景云傷寒脉滑而厥者裏有熱也白虎湯主之此其的證且渴欲水譏語無止咸與經符何不用白虎湯眾心危之然服其言確不敢與校於是投白虎湯頻服五六日前證悉除而愈希哲與大宰純親善餘暇共講文藝以自娛焉

泉庵著有醫經解惑論門人小島瑞玉字伯纘其遺緒著玉函類編

畑醫學院

畑惟和字厚生通稱柳安號黃山平安人本姓安藤幼好

讀書嘗與群兒肄業群兒咸聽其指導醫官畑柳景見而奇之乞為已嗣延享初敘法橋為御醫進法眼天明元年任尚藥敘法印以艱步特許杖朝賜號醫學院惟和悅曰余忝醫官仍蒙眷寵受此榮號今而不誘掖後進以供濟生無以報國恩矣於是營造書院廣納生徒躬自勉勵以率之病客滿門未嘗一日廢講說為生徒著學範見識深粹議論典實誠為學者通範性謹慎其為尚藥京師有災乘輿遷幸惟和宿直行宮三年退而與家人語未嘗及宮禁事少壯博記方書每夜暗誦數十条後肯就寢至老弗變子惟亮為御醫季惟禎

為醫學訓導

醫學院著學範外有斥醫談辨溫疫論等

福井楓亭

福井靦字大車通稱柳介一作立助奈良人幼有志操

師名醫菅隆伯潛思於學晨夕不倦家貧乏書每隨人

假貸讀之見有益治療者輒取故紙謄寫其背嘗著集

驗良方及考索普采于歷代方法擇其精確者次第論

選以為施術之根據與當世古方家流師心鹵莽者大

異其歸趣矣寬政初幕府召至江戶為醫官講靈樞於

躋壽館四年特命內直為製藥所監是年卒初靦之創

業先召藥賈帛商謂之曰藥者醫療本根人命之所關

係必擇上品者第二品以下謹勿持來吾見其價賤或

生鄙心用粗藥而不效至誤人命甚可畏也若衣服反

此美麗者不許爾持來華奢之成習令人不覺恐損吾

宿志焉子需字光亨號榕任尚藥敘丹波守進少將季

承順繼職仕幕府

楓亭著集驗良方外有方讀便解瀕湖脉學解等

淺井圖南

柘植彰常

淺井惟寅字夙夜通稱賴母平安人號圖南世業醫父東

軒出應名護屋侯聘惟寅留而守業以明脉名其術原

於素難倉公折以仲景嘗曰內經所既信仲景畧而不
 論內經所未盡仲景演而詳之肯實相族非相背焉近
 有僖父造作語言主張仲景而不究其本貶斥素難以
 為迂誕無識者眩惑其瞽說互相附和古經之微言殆
 于熄矣良可歎也蓋斥香川吉益二氏也及東軒歿名
 護屋侯召繼職尋為醫學訓導門人有柘植彰常
 彰常字叔順號龍洲河內人亦有醫名嘗謂近海魚食之
 民腸胃畜濕熱因生蛔蟲隨證為變其害極鉅而病從
 前方書忽略不備於是出己所經驗著蔓難錄蛔病有
 專書彰常為始彰常仕高取侯居大阪業盛行

圖南著有扁倉傳割解

賀川玄悦 蛭田玄仙

中古治創家有血類七氣之稱以產亦屬血併治之吉
 益中茶二氏其最顯者也吉益有半笑齋中茶有帶刀
 而其術不詳今世女醫穩婆率稱中茶流或有支派存
 者然多不過冒其名實非有正傳蓋治產之術至賀川
 玄悦蛭田克明而備矣

賀川玄悦一名光森字子玄父長富彦根世臣玄悦庶
 出也託之外家外家業農教以稼穡玄悦厭之竊習醫
 事鍼砭按蹻頗造其妙及壯辭而往京師鬻技自給立

志精苦與其妻異寢者三年以攻其業適隣婦臨蓐子
露手膊而不出婦煩寃欲死玄悅視而憫之竟夕不寐
思所以濟之明旦往而為治遂得平娩於是始悟治產
在手術欲益窮其變常養弓婦有身者以試之久而術
成諸媿難玄悅下手效績立見稱為神工一婦坐草三
日玄悅曰胎臭甚子已死矣其頭顱必三折骨理然也
及出之果如其言一婦三孕皆不育後身七月請診玄
悅曰癥瘕在左腹下故每妨胎使不育乃以術按蹻既
媿玄悅謂其婦曰夫癥瘕者每孕而肥今而不除後遂
至害命然欲除之當忍至痛能乎否婦懼乞治乃與折

衝飲其夕果大痛不可忍比明下一物大二寸許剖之
理如鰵肉白膜包外玄悅曰是敗裂而下爾餘塊猶在
勸服前湯哺時再下婦後連舉二男子一婦臨產九日
鼻尖與手足指頭皆黑醫多投人參無效及玄悅往喘
息希絕已兩日矣其家欲分媿就木謀之玄悅玄悅診
曰是陽氣不運而死血聚耳脉雖微猶存實未死也為
出其胎藥粥兼進一時脉漸復乃下胞衣旬餘時發血
暈以藥調之遂愈玄悅無所師承不亦本古人至如其
言子在胞頭嚮下實前人所未發也為人誠慤其著產
論也皆川愿為視草後產論為世推奉玄悅見愿必垂

泣而謝云明和中德島侯即與祿子某不喜醫養門人
玄迪繼業

玄迪字子啓號有齋本姓岡本襲祿著產論翼原昌克曰

子玄魁悟有膂力故其手術超邁纖弱者則難學之矣

子啓短小無過人之力因以意變化其術二子各極其

長運用之妙有不可思議者洵天下之絕技也子滿負

號蘭齋為女醫博士敘攝津介女醫博士官缺久矣於是

復之季有恒襲祖稱玄悅賀川氏門人昌克及片倉元

周學于玄悅與之基通稱道逸號少齋畑中正明號椿齋學于玄

迪桑原惟親號甘谷學于滿負著產航皆顯于世之基為

仙洞女醫正明仕幕府昌克元周別出

蛭田克明字至德通稱玄仙白河人家世農夫克明少

好方技不屑田業嘗謂孕育常理本非疾病唯保護無

方多致之死耳乃反覆考究推其理而試諸術心得而

手應莫不順敘既而曰產果非疾病矣是時賀川氏之

術未及關東與羽常總間道產術者皆法克明克明教

人設十日曰正復曰縮早曰開通曰保全曰矯促曰出

安曰送狀曰漏寬曰遮絕曰棄救國侯松平定信召見克明

謂之曰聞汝邃于產理亦豫知其男女乎對曰小人唯

習治婉難耳為男為女焉得前知之既退侯謂左右曰

玄仙辭氣簡朴不少文飾足知其能矣晚年歷遊諸州以廣其術或居江戶或之甲斐將西遊至關遇疾而反克明無遺書傳者門人上總富澤治雄通稱黃良著孕家遵生安房沼野材章通稱玄昌著田子產則全書以述師說然言旨曖昧不足暢發其底蘊可惜矣

中西深齋

子鷹山 白水田良 川越大亮

中西惟忠字子文通稱主馬號深齋其先為伊賀十八族曾祖時始徙平安惟忠自少勤學肘之所抵几為之穿遊江戶與鵜殿孟一莊田允益等交相共刻力文辭數歲西歸時吉益為則唱古醫方惟忠喜之翻志為醫師

事為則時年三十八會佐賀鶴元逸著醫斷業半而歿惟忠取而補之為則令品丘明田宮龍選方極有赤松愿者投書為則詰難其義為則又欲令惟忠代答之惟忠慨然謂東洞之道達則達矣雖然榛莽未悉除後進者不能識正路而進所以徒長紛紜也乃欲為作一書以暢言之既而曰長沙書去今久遠文字古簡不易讀歷代雖有注家得其旨統者蓋鮮矣不若注解是書因以闡發師道也於是杜門謝客一意攻讀殆三十年矣時人為之戲曰寂寂寒寒中西居年年歲歲傷寒書遂著辨正及名數解其書辨證推例言不虛發判裁正偽

考據詳明末義小訓不必縷晰務在推甄大旨以立治
 療之通規焉已脫刻海內莫不傳誦諸藩國聞其名厚
 禮聘之並辭而不就年老善病常在牀蓐然日會生徒
 講授方論未曾倦廢日晚則招三角了敬登壽院小林淑
 字子慎和田璞諸友使談論醫事已在其間從容商議
 行酒數杯微醺以為樂子惟孝

惟孝字君友通稱幹藏號鷹山資性孝順蚤服庭訓時人
 或評惟忠精于醫經而粗于醫術惟孝聞而自奮其術
 守矩矱不為苟施一女得熱八九日脉浮緊讖語煩渴
 腹中急痛欬而吐涎沫大便微澹小便不利其父喜方

投之數劑而病轉劇惶惑不知所為請惟孝惟孝曰此
 少陽陽明合病也法當先治少陽以解其外與小柴胡
 湯二日腹痛欬嗽止大便鞭食始進而腰脚煩疼讖語
 益甚盜汗出耳無聞惟孝曰病稍向實可以攻裏轉柴
 胡加芒硝湯胃氣和讖語止時身熱自汗夜便煩渴腰
 痛更加惟孝曰病始為專于陽明然其熱散漫不可復
 下改與白虎湯不日熱解一夫年廿餘感外邪經旬不
 差讖語煩渴欬而吐沫饑不能食口舌乾燥胎作黃黑
 四肢微厥下利日五六行敦然右卧無起勢衆為陰證
 擬以附子惟孝診曰是為少陰裏熱證方冬温燠不令



所襲以故四肢雖厥下利後重脉雖無力舌上有胎小便未白是非直中何投燥熱劑之為乃與四逆散裏熱頗解食微進渴而下利加數惟孝曰當利其小便轉猪苓湯下利止而諸證從痊治法蓋皆本仲景也嘗謂門人曰學醫之要在乎篤信經文不問以臆見常時熟復經文成誦在口及接病者審其證候與經文符則依法為治若有不合反覆尋繹智機一開自然融解無不始與經文符合者然後悟治法有條理進學之方莫切乎是識者以為知言惟忠門人白水棟川越正淑俱著棟字田良以字稱號筆山姓劉筑前人正淑字大亮以字

稱號衡山棟著傷寒論劉氏傳金匱要略觀注作劑鑑藥品劉氏家言等正淑仕任尚藥敘佐渡守著藥品體用傷寒論脉證式古方拔萃等二子頗有才學而棟多剽竊師說正淑喜厭師說功過正相半矣
深齋著傷寒名數解傷寒論辨正外有刪訂傷寒論及文集

鷹山著有傷寒論辨正箋注及醫按等

山田圖南
山田正珍字宗俊以字稱世幕府醫官父正朝號麟嶼與姓菅原有神童之稱德廟特命為儒官及正珍再

復舊職幼有逸才受儒學於山本信有寶曆中朝鮮使者來聘正診請于官屢接見其書記及醫員所著骨度辨誤韓醫李聖甫為序之極賞其夙成正診時年十六秋田侯有疾服正珍藥會有一巫以法伏疾稱多靈驗黃緣勢貴亦至侯邸將行法謂侍臣曰藥劑且停不則法驗不著正珍聞之告侍臣曰聞有巫止藥侯病太亟詎勉進藥尚恐弗及况止之乎正珍願見其巫侍臣唯唯退告巫巫不可正珍強見之謂曰聞汝以法生人亦必能以法死人汝試詛我我與汝藥汝法驗乎我藥效乎吾且觀之乃取紫圓迫而服之巫振鐸唱咒項之腹

痛漣悶下利如傾大懼且泣固乞罷去既而侯愈正珍好讀傷寒論聚諸家注釋摘其正要章疏而節解之一字義訓參互考訂極其確當與人會集有言涉本論即箋記之家素富書籍勿論經史諸子至稗官別錄道釋之類無不窮搜一以資本論講解中年作傷寒考尋著傷寒論集成未脫稿病肺而卒其友加賀太田元貞與其門人脩飾之以行于世蓋傷寒之學京師有中西惟忠江戶有正珍二子功力正相敵均為從前所未有而惟忠書先出正珍每攻訐其紕漏後人據此疑惟忠然正珍實心服惟忠嘗謂人曰我論駁深齋者非欲黜之



實尊之也本論注家無數深齋獨得其要領餘子碌碌
不足與辨也及中西惟孝林順泰號東海著書皆反攻集
成可謂不知正珍者矣然莊周云已議人人反議已正
論之得指擿抑亦自取也夫

圖南著骨度辨誤傷寒考傷寒論集成外有傷寒檢
證金匱檢證天命辨新論備用方權量撥亂敗鼓錄
桑韓筆語等

小野壽軒

小野世秀字壽軒以字稱號龍園備後品治人世業醫世
秀學于香川修德又從山脇尚德奧村良筑業成家福

山一婦婉難累日衆醫無措世秀用瓜蒂一吐而生一
兒丹毒垂斃世秀鍼數處血出而安福山老臣在大坂
患疫走舸請世秀時方盛夏而重繭環屏飲以熱劑世
秀一診辨其謬妄徹屏納涼連用瀉火藥數日病減卒
已老臣神其技薦諸府侯為醫士世秀廉于財利有餘
輒以巧人人贈謝幣舉附之家人未嘗問其多寡曰恐
有由以生厚薄之念也

川村壽庵

川村壽庵南部人業醫於江戶其診視畫距宅方數町
調劑已時為期過期則携笛而出訪儕朋絲竹合奏陶

然忘歸率以為常清水公有疾劇府中有與壽庵善者
 贊其治效即使招之壽庵辭以施治有限使者三反不
 肯往有司交責舉者舉者窘迫啼泣訴壽庵壽庵才出
 應命有司以為壽庵當今名流輿徒必盛至則一老奴
 肩藥籠垢衣草履眇然閤醫耳衆愕然壽庵好讀書架
 插數千卷天明荒饑東陬最甚鄉親告以餓殍狀壽庵
 即日悉鬻書籍馳遞賙之或強之曰子行義信於人久
 矣一言可以致千金何為自苦如是壽庵曰以己財而
 救人忠也貸於人以救人非忠也我唯盡吾心而已強
 者慙服性愛山水數登富嶽登輒携笛與酒器絕巔獨


酌長弄大叫快哉導夫駭以為狂晚使工圖己所經涉
 以供卧遊世所傳名山圖畫是也

村井見朴 子椿壽 帆足通楨

村井能章字見朴以字稱隈本人世業醫父能敦字知
 能章惡世醫諂媚成風欲矯其弊每接病者尊卑平視
 不為之低昂寬延中國侯有病召問治方能章論對得
 當候病尋愈許歲奉謁及隈本叔醫學師授難其人時
 能章失明廢居而府議無踰能章者遂擢以為教授能
 章攷課有法居三年生徒至三百餘人亡幾乞老能章
 風韻高邁喜彈琵琶構室曰天際窟靜夜獨坐弄撥數

聲冷然自適晚患膈噎不食月餘唯飲酒其友秋山儀
 自江戶歸齋酒訪病能章欣然起對酌既而謂儀曰來
 去有數吾且止酒將為餐霞之人後數日卒能章嘗輯
 錄邦内孝子曰孝子紀事侯覽而嘉之為請松山公子
 某及幕府侍醫橘元周宗仙作之序子柁通楨
 柁字大年通稱椿壽號琴為人麤豪不屑細務甚口厚
 唇容貌魁然少長講說能章為教授每侍側代授生徒
 能章老舉為助教辭而不就遊學京師從吉益為則留
 累月受其方而還數歲又往為則異其才及反送之淀
 口執其手曰自京以西吾道之寄一屬之於子矣柁既

歸施治以攻擊為先邦人仄目憚之無敢延請者至中
 年稍稍信之鄰國諸侯數致禮命柁皆辭既而仕國侯
 柁之初唱古方也窮甚至累朝不能舉烟家人皆病親
 戚交尤其術勸而易之柁斷然以餓死自誓不為少屈
 年八十疾病子炳竊轉其藥方以進柁嘗而覺之大怒
 曰藥有常則何為妄改身為醫士臨事而無操守如是
 何以能任職哉氣息將絕言之不止自吉益氏以復古
 自居晉唐以下視若無物其徒習乎此遂成一種傲厲
 之風然其立志堅確百鍛不銷如柁者要有世醫之所
 不能及焉



通楨字子幹出為宇土醫士帆足氏嗣少有經世之志
不喜方技既而自改曰父醫我君醫我命也醫而不精
將禍于人乃折節從事于刀圭數歲如江戶與原良延
岑逸相知聞吉益氏說大喜及過京師見於為則親受
指授兄柁亦修為則之學於是兄弟切磋攻業東洞之
術行於鎮西通楨兄弟實為之唱也通楨狀貌軒昂而
與物和易通達時務遇事善斷雖以醫仕常預顧問宇
土稱治通楨與有力焉及卒其老臣嘆曰國醫云喪誰
與議政其見依賴如此

琴山著有二千年眼目篇類聚方議續藥微方極刪

定藥量考論餘漫錄和方一萬方等

岑少翁

岑逸字班如一字歸昌初稱右膳改少翁號貉長門人
家江戶唱吉益氏學為人豪邁有膽氣善用峻毒沈痼
篤癘舉集其門晚年門戶之盛一時鮮比弟子顯者數
十人術遍于東北諸州矣其徒稱逸及村井柁有東海
翁西州老之目逸固奉師說非其方法不用雖有他醫
書不肯寓目見子弟涉獵諸家輒弗喜曰方書者古人
之筌蹄苟運用得妙方極類聚方藥微足以應萬病矣
多識何為柁嘗以己所著書謀刪訂逸復書曰東洞之

道既備矣何以是紛紛為所謂畫蛇添足不如止也遂
不覽其書而還之其於疾病曰鬼神則我不能知人何
能豫覺其治否醫之施術要毋自欺耳逸好經傳暇則
率子弟講習常謂之曰動作禮義威儀之則人之所以
行已處人者載在經傳聖賢之言宜存于心醫者不可
以方技自外焉且醫行已正則病者信之病者信之則
藥能成功夫不能自持莊重而欲病者信己難哉故其
徒多好文自飾云

瀨丘長圭 多賀谷安貞

瀨丘琺字長圭江戸人吉益為則稱為東方一人琺察

病專用功腹診常曰腹候與外證相為表裏然外證多
而易惑腹候一而不爽故腹候為先又曰醫有三極曰
方極證極診極診極謂腹診也因名所著曰診極圖說
其法及治驗詳于書琺術未及大行中年卒

多賀谷安貞字源藏號樂山上野人父安命善醫安貞傳

其術尤精腹診然不喜業醫逢親朋有疾與貧困不能
請醫則為療之他有求治者皆辭仕幕府為銃隊與力
安貞晚得疾自知不起力疾著腹診祕訣一卷以遺後
人腹候之法其起久矣天正慶長間竹田定加始唱之
松岡意齋北山道長著堀井直茂通稱元仙淺井惟

寅著於脉秘傳又有內証於法子正路所著高村良務著腹論秘傳等皆善道之然概局臟腑配當左右分位未免牽湊附會如香川修德吉益為則直即硬軟弛張及跳動拘急塊磊等狀辨之虛實死生法極簡捷至璉益闡發其微旨殆無餘蘊後稻葉克字文禮著和久田寅字意仲著腹證奇覽翼各有所論述皆祖璉云蓋腹診於察病最為切要然西土不聞有是法其腫脹腹滿及童稚傷食乃按其腹求之亦不過形色堅軟而已他如癥瘕痞塊僕病者自言其狀從為之治其術已踈矣我邦醫術卓越于西人此亦一徵矣

吉村適宜

吉村適宜號臨古薩摩人仕本府好氣以任俠聞于國中每論往昔戰爭之故扼腕激昂憾己不當其時既而無所用其氣乃嘆曰死生安危繫我一七醫之任亦重矣吾其為醫乎遂請而淨髮自稱扁者意兼扁鵲耆婆也鄉人詆其誕更今名適宜學于京師嘗寓吉益氏數月疑為則持論與術齟齬一日燕語因舉數端詰之為則笑曰我說自有所本奈與子不合何適宜怫然怒曰子自欺又欲以欺人他人可欺適宜不肯受欺遂絕去龜井魯遊薩適宜見之曰人言筑有龜井道載肥有村井椿壽足下何以得此名一部傷寒論何是仲景要旨魯

曰傷寒論備忘小冊不甚珍之僕嘗有言醫者意也意
生於學方無古今要期乎治是吾生平大意不識果合
否遍宜聞而憮然為問曰大善足下遠來真奇遇也為
吾留數日與縱談醫事豈不快乎乃日見魯魯謂人曰
太史公傳曹劌荆卿甚烈即使遍宜處之其氣力豈下
二子乎魯從薩入肥見村井杵杵先問遍宜魯答以所
見杵愕然曰彼著人參說痘疹必用二書排擊我師說
予取痛駁之行問朱書使人齋去彼其怒我必甚矣我
之不為魚肉殆幸而已

和田泰純

竹中文輔

和田璞字韞卿一字泰純以泰純稱號東郭又攝津高
槻人父祗忠軒字義本府瘍醫璞其季子也受業於戶田
齋又從吉益為則既退別自成一家曰古來名工碩師
精神醫術各有所得筆諸書以遺後學其惠厚矣我曹
生千載之下讀其書而學其術法其善而闕其疑則古
人孰非吾師傷寒金匱固我道之詩書雖有殘缺要領
備存歷代方書猶鄭訓朱義各有一長不可偏廢焉醫
者舉古人之成法措諸疾疢而取捨在己要以治為主
若夫拘泥舊聞癖守一見區區之論不足與談醫也璞
初事二條公寬政中徵為御醫敘法橋中宮無

子召璞論璞曰是為內有久寒附子溫經則有驗矣
詔上其藥明年中宮果育皇子上大
喜持旨任尚藥敘法眼璞簡重有威嚴善教弟子受
其業者往往超出時輩常謂子弟曰古人之診疾望色
不以目聽聲不以耳聲色之於以察疾抑末矣况言語
文字之假於外者焉足傳心得之妙哉故寡所撰述而
其治驗門人所錄可觀者多今舉數條一夫患疥癬已
愈通體洪腫溺澁氣促衆投以通利之劑無效璞診之
脉微細膚畜膿枯心下痞塞腹滿而無力疾得之因患
疥癬榮燥衛泣水道致澁滯不可專事通利乃作四物

湯加香附子甘草浮萍與之而已一士行役在江戶患
兩脚浮腫筋攣肉痺衆為脚氣治之不驗來京師請診
其脉沈緊心下痞硬脇下滿臍左有塊而胸腹無動氣
息如平常璞曰此疝瘕也作四逆散加吳茱萸牡蠣小
連翹與之三旬已一婦歲四十餘病疫左臍舊有二團
塊因熱大發吐出一塊吐後脉絕四支厥冷眼中僅存
生機璞思其言吐前便黑悟有畜血乃與桃核承氣湯
三貼服之至且厥已右脉跌陽皆應身熱汗出三日黑
便斷七日又吐一塊不復厥氣力稍回然左脉未應璞
意甚不安既而婦就養於外攝治不憑璞數月腫發而

死璞嘆惜焉一婦產後廿日發嘔吐痛迫左脇不可耐
 璞作吳茱萸湯加洋參三分與之頓已後一士心中懊
 惱冷汗濡頭疾得之多服茗汁乃前方加珠參與之少
 時吐水二升許已同一方也而主證相反各自奏效其
 術圓活類此子哲字哲郎通稱泰冲號默本姓中村璞
 無子養而為嗣補典藥寮醫師敘能登介所著醫學說
 膜原說載在雜醫彙講璞門人竹中温
 温字子良通稱文卿後改文輔號南紀伊田邊人家世
 農至温始為醫寓璞門旁學治瘍又受痘科於池田獨
 美家京師時璞業盛行温踵之而起聲譽殆與其師相

如

東郭著有導水鎖言養嬰鎖言方意解傷寒正文解
 及醫則又有蕉窗雜話門人所輯錄

池田瑞仙

池田獨美字善卿通稱瑞仙

號錦

周防岩國人世業痘

科曾祖正直從戴笠受治痘祕訣作圖說藏于家子孫
 傳以為法獨美幼孤叔父詮應教而育之及長兼攻大
 小諸科以荷蘭外治行而獨美志在隆興家學岩國痘
 瘡絕少不足試術卒出居安藝嚴島會嚴島痘疫流行
 獨美由圖說為治效應如響始信其妙悉棄從前所為

專修家學取古今痘書參之祕訣摩厲數年術大熟值
有大阪商為兒求治者獨美往診時毒痘傳染比屋天
開聞獨美名爭請其良毒險夷順逆死生獨美一目後
皆如所言世醫始疑終則同然一辭服其精妙於是乞
治者執贄者相繼門閉如市至有贗造其圖說以現牟
利者在大阪數歲徙京師寬政中幕府辟至江戶為醫
官講痘書於躋壽館醫官有痘科自獨美始獨美性度
簡宏不修邊幅然甚惜家法非刺血誓神誠心祈求不
敢輕傳而經其指授者皆見能名於世蓋痘瘡之方至
獨美而備矣治效不遑枚舉有一兒痘色紫黑伏陷不

起口吻流血殆瀕死獨美作正宗涼膈散加麻黃穿山
甲與之三日服藥三十貼遂生率是類也

錦橋著有痘科辨要痘疹戒草痘科鍵刪正治驗錄
及遺稿等

華岡隨賢 子良平

華岡震字伯行通稱隨賢號青洲紀伊人世業醫震學于
吉益氏又從大和見水受外治歷遊諸州研磨其術既
歸辨內外合一活物窮理之說曰方無古今內外一理
泥古不可以通于今略內不可以治於外蘭醫密於理
而麤于法漢學精于法而拘於跡故我術考治於活物

出法於窮理方劑不必局束於成規而藥餌所不及鍼灸治之鍼灸所不及腹背可割腸胃可瀉苟可以活人者宜無不為焉於是用其意製麻沸之方號曰通仙散值癢痼者輒令先服之昏醉然後下手乳巖骨疽痔漏瘰癧癭瘤之類衆不敢治者皆割割洗湔立割去穢毒從以膏湯功績奇偉稱為華佗復出奇疾異病方書所不載皆未之治以得其一於為幸弟子以國記之殆遍海內文政中國侯舉為醫士特許鄉居震實精內治而世唯以外科稱之殆為其伎所掩也子文獻文獻字子微通稱良平號鹿城又中洲寶震弟始就外傳即有

才名震撫為己嗣長學于京師醫從吉益猷儒從佐野憲號山陰業就居和泉堺邑醫案超敏儕輩推之後徙大阪術益行於是橋籽蕃鬱有北岡不讓南岡之誦年未滿五十病卒時論惜之

青洲著有瘍科鎖言產科鎖言治痢鎖言瘍科方笈瘍科神書疔痘辨名乳巖辨天刑祕錄青囊祕錄膏方便覽丸散錄傷寒講義青洲雜話等
鹿城著有鹿城醫談

桂川甫周

桂川國瑞字公鑑通稱甫周號月池曾祖以外科仕幕府

國瑞繼職進侍醫敘法眼國瑞與中津前野達字士章號蘭化

小濱杉田翼字元鳳號懿齋津山宇田川晋字明卿號槐園等共講洋

學其字法畫樣無不工妙蘭人亦傳以為名筆寬政中

俄羅斯國護送漂民至長崎遞送抵江戶恭廟臨訊

其狀漂民云俄羅斯國頗詳我邦風俗且知有桂川先

生者適國瑞侍側左右指而告公曰彼為桂川先生

公大嘆賞焉國瑞儀容昃麗軒然超舉無事則會賓

客琴書從容有名士之風門地既高從遊亦多洋學之

興國瑞尤有力焉然至醫術則唯用之治瘍耳門人有

吉田某專據其法為內治國瑞禁之曰西洋萬里風土

既殊人身氣體又自不同治法藥物亦必與邦人異宜
不當以彼概此且本邦內治方術既備何必資諸西洋
徒標新異以駭俗觀聽無為也某不從國瑞遂削其弟
子籍

月池著有和蘭藥選海上備要方翻譯地球全圖及
畧記漂民御覽記北槎問略等

中神右內

中神孚通稱右內號琴溪近江人醫術俊邁不拘常則而

每有奇驗石山寺童僧患痿癱百方無效主僧託之孚

孚一日誘童僧引至湖岸執而縛之樹上童僧叫呼乞

皇國名醫傳 卷之十 七七 勿誤藥案載

哀王僧大驚走將救之孚笑而止之曰是弃物生無益
 不如死而充魚腹也即拔腰刀進而擬之童僧悶苦憤
 亂一時許氣絕乃解下投藥且按摩之於是筋脉通暢
 步趨復常孚嘗曰予使法不為法使故能臣仲景不為
 仲景臣世之奉仲景者率啗其糟粕甘為之奴僕耳矣
 不能超乘古人而尚之孚為一侯治其宿疾侯饗之有
 老臣謂孚曰寡君積年沈綿一朝如洗誠荷厚惠然腸
 胃新受劇藥今後宜加調養願聽其藥方答曰孚疾醫
 也唯知藥石之可以攻疾未知其能養人也雖然有方
 請試陳之夫節飲食時起居而氣不鬱滯非所以養脾

胃乎遠少艾警淫佚而精不虛耗非所以養心腎乎翫
 娛典籍而才良在旁納用輔弼而讒邪絕跡非所以養
 耳目乎夫聰明不蔽乎外心腎安于內四體康彊營長
 衛育調養之方如此何如侯聞之稱善久之

琴溪著有生生堂養生論及醫談又有生生堂襟記
 門人保木和所輯錄

橘南谿

宮川春暉字惠風姓橘自稱橘南谿南谿別號伊勢人
 生七歲父讀孟子春暉適在旁父語以羊代牛章春暉
 默了其義父奇之教以文學醫術及長業大行仕任尚

藥敘石見介春暉器宇灑落好國歌又喜老子書為之
注解每誦成而不恃生而不有二語曰予一生趣向在
此嘗東西漫遊以弘聞見足跡周天下著述亦富

南谿著有傷寒論分注傷寒外傳傷寒論通言痘疹
水鏡錄痘疹玉環方藥方小牋東遊記西遊記北窗
瑣談國語律呂考等

原南陽

原昌克字子柔通稱玄與號南陽水戶人父昌術始以醫
仕本府昌克遊京師受山脇侃賀川玄悅術伎倆卓越
名掩東國其治醫經不事章句專主適用所著諸書後

學奉為圭臬昌克為國侯所知歷事二世為侍醫三十
餘年優命致仕初昌克以其先昌俊甲斐名將已承其
後取食方伎及子昌綏襲祿侯命改就諸士班以成其
志昌綏進為軍師

南陽著有叢桂偶記醫事小言經穴彙解癩狗傷考
傷寒夜話痘瘡策脚氣編叢記藥語西遊雜記百金
錄解毒奇功方寄奇方記若草等

津田玄僊

津田兼詮通稱玄仙號積山白河人父玄林世以醫聞於
奧羽間兼詮初仕某侯後辭遊四方潛研其術抵上總

小櫃被病者連引遂止焉與水戸原昌克同時並稱其
 學朴實不為假文詩記誦以飾其業多聚前人經驗方
 考其機括斟酌用之故言論如畀近而效用實多兼詮
 傷其鄉醫習輕佻日趨巧佞欲設邑塾以納之學乃著
 勸學治體一篇以述其志揆度略定有故不果
 積山著有療治茶談經驗筆記

目黒道琢

鈴木良知

目黒尚忠字恕公一字道琢以道琢稱會津人醫學精
 密尤長於校訂多紀元孝之創學館延訓督諸生館躋
 為國學幕府仍命為助教凡居教職者皆醫官而尚忠

以布衣與焉蓋特典也尚忠初仕大番頭青木氏後仕
 白河侯皆辭去寬政十年 恭廟召見是年卒門人有
 鈴木素行

素行字良知以字稱號賜谷江戶人初從幕府醫官岡氏
 後師尚忠出仕淀侯尋辭去素行崛起不能與世俛仰
 沈潛于學終身不倦兩目為之赤爛卒致浩博云
 飯溪著有靈樞箋非非十四經辨隨筆等

賜谷著有醫海蠡測金匱傷寒神農本經扁倉傳等

解詁

多紀永壽院

片倉元周

多紀元德字仲明通稱安元號藍溪名醫康賴之裔高祖元泰自別族為金保氏始以口科仕神祖及父元孝請改今姓復內科元德少負氣以先世名家欲振興其業窮閣漏屋無求弗應好張介賓之方後溯長沙其術益精初元孝欲設學舍以廣講習之道上請得城北天文臺故地新創躋壽館生徒日聚元德繼遺志更開拓之規模大具既遇災而再造土木經營身任其責家產為之一空不以為意安永中擢侍醫敘法眼天明未進法印賜號永壽院白河侯執政百度維新元德有所獻替官醫宿弊頓改又請設製藥所以備進用藥劑尋有

旨即其學舍更加修飾命醫官子弟悉就學仍以元德為教諭於是轉家塾為國學為大府立一盛典皆元德功也以勞賜別俸三十口歲支百兩子孫世總學務元德歷事浚恭二廟每進見便面陳攝養之方或錄其說以進嘗言我之為職豈止候病處劑平時調護預防病源此為要務其無事在家必晨起正服人問其故曰身承乏執七奉召稽滯何以供職後以疾致仕門人有片倉元周

元周字深甫號鶴陵相模築井縣人世業醫元周自幼遊元德之門又往京師受治產於賀川氏元周臨疾勇決

出人意表。雖至險重艱極難措手者，必精思處方，屢奏奇效。其治癘峻毒以下，蝟蝎燔滅以去，鈔鱗小兒撮口，臍蒂未脫者截斷其蒂，灸之數百壯，然後駛藥下之。及下利諸藥無效者，已豆通腸而止，水氣溢表者多食以酸收物引之於胃中，以輸膀胱，一瀉而竭之類，皆世醫所不敢為。會津侯疾亟，召元周診，浹旬而差。後侯在國，再病使請元周，元周往治之，侯大加崇禮。初元周在多紀氏，其子元簡問經於井上純鄉，所居隔遠，而隆冬風雪未嘗懈廢。唯元周從焉，所讀書皆手自謄寫，其始開家殮不具魚肉者三年，其勤苦如此。晚際名震，一時蓋

有所由云

永壽院著有廣惠濟急方醫家初訓醫學平言養生大意等

鶴陵著有傷寒啓微產科發蒙癩癘新書青囊瑣探靜儉堂治驗保嬰須知痘瘡規雜病試効腫脹彙編屠蘇考等

多紀桂山

多紀元簡字廉夫通稱安長號桂山元德子受父學記性絕倫一覽終身不忘寬政初執政白河侯召試之設醫事疑難元簡剖折三十餘條侯大稱獎俄擢侍醫敘

法眼尋兼醫學教諭元德致仕特命執七享和初銓選
醫官以議論忤旨罷待醫於是退而覃力撰述以聿修
先緒塔迪後學為任取素靈以下次第整釐為之箋釋
以授學館諸生門徒爭進自當世耆宿皆執弟子禮既
罷待醫術更大行水戶侯疾若已平者元簡診之出告
其臣曰不可為也大期迫矣不出三日諸臣驚且疑既
而果然性高雅澹于勢利酷好讀書凡古今文字言涉
醫事者悉推其根柢而究之時試諸疾往往收奇功人
不知其有所原以為新意所出及言某資何方某見何
書則又無不喟然嘆息為不可及矣所著諸注條疏眾

說斟酌精義其錯辭隱義參伍校照可通通之疑則闕
之深得箋釋之旨先是諸家厭五行經絡之說各有所
論著指歸不一互相詆毀大抵臆造之說勝而訂詰之
義微元簡之書出海內講醫籍者識所率由而前世麤
梗武斷之風始除矣

桂山著有素問識靈樞識傷寒論輯義金匱輯義脉
學輯要按穴輯要觀聚方痧疹輯要方救急選方本
朝經驗方扁倉傳彙考醫膳疑脚氣辨惑論梔中鏡
日光驛程聞見記及文集等

皇國各醫傳
斯道者凡一百餘家。著名醫曾小史三卷。識
此濟廢痼起篤癘之術。非余淺陋所敢識
也。唯其執筆命意。他人所難為力者。序事
各不相淆。首末畢具。亦可以觀其才學之
優矣。後世任史筆之責者。必應採而進焉。
其謂之小史。亦識此自謙之義云。

綾瀨龜田梓

此書舊題曰名醫小史。綾瀨龜田翁嘗作之跋。
後呈直庭劉先生乞教。謬蒙先生激稱曰。子本
邦甘伯宗也。亦宜名之醫傳。因改今名。今茲壬
子秋刻成。時翁老病在蓐。不得乞跋。寫。故依舊
用之云。

淺田惟常識



栗園淺田先生著述目錄

傷寒釋脉

栗園淺田先生著述目錄
傷寒釋脉
傷寒論識
傷寒辯證
傷寒辯術
雜病論識

栗園淺田先生著述目錄

傷寒辯術

一卷

此書ハ傷寒ノ大要ヲ論シテ治術ノ規則ヲ立古方後世ノ弊ヲ悉シク辨シタルモノ也初学ノ士コレヲ熟讀セハ規則胸中ニ判然トシ治療ニ益アルヘシ

傷寒辯證

三卷

此書ハ傷寒ノ諸證ニ就テ其名義ト部位トヲ辨明シ疑惑ノ患ナカラシム下卷ハ金匱ノ病名病証ヲ悉シク辨シ治術ノ上ニ於テ發明スル處少ナカラス

傷寒論識

六卷

此書ハ中西鷹山翁ノ遺意ヲ繼テ辨正名數解ノ未言及トコロヲ補ヒ疑義ハ諸家ニ折衷シ考證ニ泥マズ實用ニ親切ニシ本論ニ於テ一機軸ヲ開ク也

雜病論識

五卷

此書ハ今ノ金匱ハ古ノ雜病論ノ遺編ナルヲ明シ乃其重復ヲ省キ雜病ノ規則トスベキモノヲ傷寒論識ノ例ニ倣ヒ諸家ヲ折衷精論シタルモノナリ

傷寒釋脉

一卷

此書ハ仲景ノ脉法ハ叔和以來ノ説ト異ナルヲ辨シ乃本論ノ脉名ト脉状トニ就テ其義ヲ論シ直ニ經ヲ以經ヲ證シ脉学ノ捷徑ヲ開クモノナリ

傷寒藥議

一卷

此書ハ世ノ藥選藥徵ナド違ヒ本草諸家ノ説ト仲景ノ方意トヲ深ク考ヘ其主能ト活用トヲ辨別シテ晋唐ノ諸本草皆本論ニ淵源スルヲ知ラシム

傷寒吐則

一卷

此書ハ近世吐方ノ術開クト雖概子和ノ流ニシテ法律トク人ヲ誤ルヲ多キヲ歎シコレヲ長沙ノ法ニ本ツキ其吐スヘキノ証確然タルモノヲ論シタルモノナリ

皇朝醫史

前編 三卷
後編 三卷

此書ハ李漁ノ醫史ニ倣ヒ本朝上古ヨリノ名醫ノ傳ヲ褒集シ著述ナキモノハ往々其識見治術ヲ載テ尚友ノ一助トナス醫家ノ叢談トモ云ヘキ書也

杏園風藻

二卷

此書ハ醫史ヲ著スノ餘暇古今名醫ノ詩歌ヲ集メ或ハ医史ニ載ヒガル人物ハ小傳ヲ附シテ醫人ノ風雅ヲ見ルニ足ラシ
以上九部凡二十七卷先生多年心思之所注不忍委之於寒煙飛塵將上梓以傳于同志因今舉其目於茲云
門人等謹誌

淺田宗伯著

京都三條通塚町

出雲寺文次郎

大坂安堂寺町五丁目

秋田屋太右衛門

同九之助橋二丁目

秋田屋良助

江戸日本橋通二丁目

須原屋茂兵衛

同芝神明前

岡田屋嘉七

同本町三丁目

和泉屋善兵衛

信陽松本本町二丁目

高美屋甚左衛門

發兌書肆

